



المسار العلمي الموحد السنة التحضيرية

أثير الاحمد

مقدمه

بِسْمِ اللّٰهِ الرَّحْمٰنِ الرَّحِیْمِ
اللهم علمني ما ينفعني وانفعني بما علمتني
وزدني اللهم علماً
معاكم اثير الاحمدي تخصصي علاج طبيعي
انهيت السنه التحضيريه
(المسار العلمي الموحد) بجامعة طيبه
حقولكم تجربتي باختصار زي
ما طلبتوها وي رب تكون على اتمم وجه
اولا حاجه قبل ما ابدا ابارك لكم قبولكم في المسار العلمي الموحد
بجامعة طيبه و ي رب تكون سنه خفيفه ولطيفه عليكم

♥ نصائح سريعة من القلب لكم

- ١- ارضي بما كتبه الله لك في كل امر
- ٢- جدي نيتك جدي نيتك جدي نيتك
- ٣- ساعدي وسوي الخير عشان ربي يساعدك
- ٤- ثقي بالله تعالى وانو كل شيء كتبه لك ربي خيره وفيه لك الخير
- ٥- لا تتذمروا من أي حاجة خليك إيجابيين ابدوا صبراً في الأشياء ايجابية
- ٦- لا تسمعوا من أي شخص قلكم التحضيري صعب لان مو كلنا زي بعض مختلفين عن بعض في التفكير والذكاء وطريقة المذاكرة ثاني حاجة السنه التحضيريه سنه مصيريه لازم تعطوا اكثر ما عندكم فيها ولازم تحطوا ربكم في كل شيء اعرفوا كيف تذاكروا نظموا وقتكم وأعطوا نفسكم حقها قبل أي شيء بالنسبه لي التحضيري ما كان صعب بقدر حجم الكلام الي سمعته وببساطه رح اقولكم كل حاجة ساعدتني وكل حاجة تتبها منها ورب يقيكم ♥

الدراسه

حيكون فيه لقاء تعريفى ياختصار كل دكتوره
ماده جالسه في قاعه تقول
للطالبات مواضيع الماده تقسيم الدرجات نصائح
وبرضو حيكون في اختبار تحديد المستوى
اللغه الانجليزيه ححددوا يوم ويقولو لكم عليه
الاختبار مو اجباري لكن اذا جبتي درجه حلوه
يشيلوا عنك محاضره انجليزي وحده فقط لكن المنهج نفس ماهوا .

الخطط والكتب

الخطط

عندنا خطتين في المسار العلمي الموحد
خطه الف / كيمياء - رياضيات - اسلامي - عربي - انجليزي
خطة باء / فيزياء - احياء - مهارات - حاسب - انجليزي
الكتب

كيمياء فيزياء احياء ← شباتر (عروض بوربوينت)
اسلامي ومهارات وحاسب و انجليزي و رياضيات ← كتب
عربي ← ملخص المشرف

أسعار الكتب

الانجليزي ٢٠٠

العربي والاسلامي والمهارات ٢٥

الكيمياء والفيزياء والاحياء ١٤٢ (مارح تحتاجواها)

الحاسب ١٤٠

الرياضيات ١٤٢ (تحتاجوا الكتاب)

الاختبارات و المواد

الاختبارات

اول شهر عندكم مارح يكون فيه اَي اختبار
بعد الشهر الاول حيكون كل ثلاثاء اختبار

المواد

درست الترم الاول خطه باء
درست الترم الثاني خطه الف

صراحه الخطط سهله اذا نظمتوا وقتكم وعرفتوا متى تراجعوا ومتى تذاكروا

الاحياء

ماده سهله وممتعه تتكون من ١٠ شباتر تتكلم عن التصنيف واجهزة
جسم الانسان والنبات اخذتها عند دكتوراه صفيه شرحها
حلو وتفهم مرا وبالنسبة للمراجعات كنت اروح لدكتوراه نبيله لانها اسطوره
كل حاجه تسويها بخرائط تثبتها في عقلك وفعلا مراجعاتها بطله
بالنسبه لتقسم الدرجات

٢٥ درجه ميد ١

٢٥ درجه ميد ٢

١٠ درجات بيد الدكتوراه (واجبات - بحث - كويز) على حسب هيا تبغها لايش
٤٠ درجه فاينل

في دي ماده الغياب المسموح فيها ٧ غيابات و ٨ حرمان

نصيحتي في دي ماده ذاكروها اول بأول 🧡

طبعا في دي ماده في الفاينل مارح يدخل معاكم جزئية الميد الاول

الفيزياء

ماده ممتعه لكن تحتاج مذاكره اول بأول تتكون من ٤ شباتر ونص مواضيعها الحركه

قوانين نيوتن الكهرباء التحويلات

اخذتها عند دكتور ندى عباس كويسه شرحها حلو

بالنسبه لي ما كنت احظر مراجعات الجامعه في دي ماده

○ بالنسبه لتقسم الدرجات

نفس الاحياء

○ في دي ماده الغياب المسموح فيها ٧ غيابات و ٨ حرمان

○ نصيحتي في دي ماده ذاكروها اول بأول

وبفهم مو حفظ حلو مسائل كثير اتدربوا

لا تقول حلينا كم مسائله خلاص احنا فاهمين لا حلو حلو حلو

طبعا في دي ماده في الفاينل مارح يدخل معاكم جزئية الميد الاول

اخذتها خصوصي عند مس شاهيناز واعتمدت فيها على التدريب بنفسي كثير

الحاسب

ماده حلوه وسهله لكن أعطوها حقها وأتدربوا كثير
على العملي مره مرتين ثلاثه مواضيعها
جهاز الكمبيوتر بشكل عام والتخزين نظام وندوز
و برامج الورد والبوربونت والاكسل
اخذتها عند دكتور هنده هي المشرفه كويسه شرحها حلو والحلو فيها
انو تقول اسئله جات والطالبات يخطوا فيها
بالنسبه لتقسم الدرجات
٢٥ درجه ميد ١- ٢٥ درجه ميد ٢
١٠ درجات ٥ الدكتور (واجبات - بحث - كويز)
(ضروري تشتروا الكتاب عشان الكود عليه ٥ درجات)
٤٠ درجه فاينل

○ في دي ماده الغياب المسموح فيها ٣ غيابات و ٤ حرمان
○ نصيحتي في دي ماده ذاكروها ولا تهملوها لانها بسيطه وسهله واتدربوا عليها
طبعا في دي ماده في الفاينل مارح يدخل معاكم جزئية الميد

المهارات

اتوقع دي المادة أغث ماده في التحضيري

هيا سهله ما فيها شيء بس المواضيع تطفش ودش في

الكلام مواضيعها إدارة الوقت العمل ضمن فريق البحث العلمي

اخذتها عند دكتور حنان كويسه

بالنسبه لتقسم الدرجات

٣٠ درجة الميد الاول

٢٠ درجة (مشروع) هيا تقترح عليكم مشاريع وتشوفوا ايش الأنسب وتسوه

١٠ ابيد الدكتور

٤٠ درجة فاينل

○ في دي المادة الغياب المسموح فيها ٣ غيابات و ٤ حرمان

○ نصيحتي في دي المادة ذاكروها ولا تهملوها لانها بسيطه

وكم ان ابعدوا عن احساسكم في دي المادة 🌙

في دي المادة داخل معاكم الكتاب كامل للفاينل

E

في الانجليزي حتدرسو ٣ مستويات
في كل ترم مستوى ونص
ماده بسيطه وحلوه وصراحه بعض الأحيان
احسها المتنفه ليا مواضيعها
حلوه وبسيطه وكلماتها والقاعدات بسيطه
اخذتوها قبل بس زياده عليها اشياء سهله طبعا عندكم في كل كتاب ٨ وحدات
حتكتبوا كل نهاية

وحده تعبير وأعطوه الدكتوراه تصححه وتحطوه بالملف
و حتاخذو كل يوم محاضرتين كل محاضره تقريبا ساعه و٤٠ دقيقه
بالنسبه لدي ماده اخذتها الترم الاول عند دكتوراه وسام كويسه
والترم الثاني عند دكتوراه بشرى

مراا كويسه وحتخليكم تحبوها بجد لان ما تحب
يكون الدرس عادي لازم تسويلكم اشياء تصحصحكم

E

طيب نجي للاختبار وتقسيم الدرجات
اول حاجه دي الماده في
اختبارين سيكينق (١٠ درجات)
كل اختبار من ٥ درجات بالنسبه لدا الاختبار حيكون من الوحدات
الي اخذتها غالبا ٥ وحدات
بنفس المواضيع يسألونكم ٤ اسئله وصوره تتكلموا عنها
وسؤالين على الصورة
اختبار رايتنق من (٥ درجات)
ملف فيه القطع الي تكتبوها كل نهاية وحده من (٥ درجات)
اونلاين من (٥ درجات)
(لازم تشتروا الكتاب عشان الكود وتحلو التدريبات)
٣٥ درجه ميد
٤٠ فاينل
الغياب المسموح في دي الماده ٢٩ و٣٠ حرمان

الرياضيات

دي الماده يآني كنت متأزمه منها لأنني سمعت من البنات عنها انها سيئه

والأسئلة صعبه ومدري ايه ووتروني عشان

كذا اتعلمت و اقولكم لا تسمعوا تجربه

احد كانت سيئه الماده حلوووه والله

تجنن بس الواحد يديها حقها يفهم كثير وبس

يذاكر مزبوط مواضيعها نهايات الدوال اللوغارتمات باختصار

نفس منهج الثانوي اخذتها عند دكتوراه غزيل حتمسوا انها مو كويسه ومدري ايش

للامانه انا سمعت الكلام زيكم لكن للامانه

كانت كويسه واخلاق وتدي كل واحد حقه انا شفتها كويسه

الرياضيات

بالنسبه لتقسيم الدرجات

٢٥ درجه ميد ١

٢٥ درجه ميد ٢

١٠ درجات بيد الدكتوره عادة تكون كويز او كويزين او واجب ف
٤٠ فاينل

○ في دي ماده الغياب المسموح فيها ١٠ غيابات و ١١ حرمان
○ نصيحتي في دي ماده ذاكروها اول بأول 🍷
والاله الاله الاله افهموا طرقها لانها تساعد كثير

طبعا في دي ماده في الفاينل الكتاب كامل

اخذتها خصوصي عند مس هاله مررا كويسه

وتشرح بأمانه وذمه وضمير ودي تجربتي معاها كانت حريصه على كل درجه

وانو ما ننقص ونتعود على الفل مارك دايمًا

الكيمياء

دي المادة حلوه ونفس الثانوي بسيطه بس برضو ذاكروها اول بأول
مواضيعها المواد والذرات والمعادلات والاتزان
حلوه المواضيع كانت معنا شابت ٧،٥،٤،٣،٢،١ اخذتها عند دكتور عبيد كويسه
لكن صراخه سمعت على فتحه مدح اكثر
بالنسبه لتقسيم الدرجات
نفس الفيزياء
١٠ درجات بيد الدكتور عادة تكون واجب
٤٠ فاينل

○ في دي المادة الغياب المسموح فيها ٧ غيابات و ٨ حر
اخذها خصوصي عند مس داليا يالله ايش احكيلكم عنها كانت تخاف من كل درجه
• نقصها تشرح بأمانه ودا اكثر شيء يهمني واوراقها وتجميعاتها بطله
من الاخر دي تجربتي الشخصيه معاها
والحمد لله ما ندمت ابدا لان كانت كلها ماما تجري ورانا على كل درجه

العربي

دي المادة حتكون المتنفه عندكم في التحضيري سههله لان المشرف كان بيطلع ملخصات ونذاكرها وما يخرج عنها

حتنسطوا من دي المادة ان شاء الله اخذتها

عند دكتور عواطف كويسه

بالنسبه لتقسم الدرجات

٢٥ درجه ميد ١

٢٥ درجه ميد ٢

١٠ درجات (مشروع تكون على حسب احنا كان نلخص كتاب)

٤٠ درجه فاينل

○ في دي المادة الغياب المسموح فيها ٣ غيابات و ٤ حرمان

○ نصيحتي في دي المادة ذاكروها من ملخصات المشرف لانها كافيه ووافيه

الاسلامي

دي الماده انصحكم تذاكروها بتركيز وتذاكروا
كل سطر فيها رغم بساطة الماده
الا انو كل سطر حتى الهوامش مهمه نسيت اسم الدكتور
الي اخذتها عندها 🤖 بس انها كويسه
بالنسبه لتقسم الدرجات
٢٥ درجة ميد ١
٢٥ درجة ميد ٢
١٠ درجات بيد الدكتور
٤٠ درجة فاينل

○ في دي الماده الغياب المسموح فيها ٣ غيابات و ٤ حرمان
○ نصيحتي في دي الماده ذاكروها كويس

بالنسبه لطريقة مذاكرتي كنت اذاكر حسب ما اشوف نفسي
فاضيه كنت اسجل محاضرات
الاحياء وارجع اسمع لها واستوعبها مزبوط بالنسبه للرياضيات في البدايه
كنت احضر الدروس
قبل ما نأخذها بس لاحظت انها سهله بدون تحضير بالنسبه
للاختبارات كنت اذاكر من الثلاثاء
او الاربعاء الى يوم الاحد أوقف وأبدا اراجع واحل تجميعات اخلي اليوم
كله تجميعات وصح بالنسبه
للتجميعات والجوال خلوها صديقكم الصدوق 🤖 لانها مرا مهمه
ونفس افكار الاختبار باختلاف الأرقام
وبعض الأحيان تجي نفسها فحلوها بتركيز واعتبروها اختبار لنفسكم
اذا فاهمين تمام ولا لا وعاملوا كل اختبار
كنه اخر اختبار سوا كل الي بيدكم عشان تجيبوا الفل مارك
وبالنسبة للمواد الي اخذتها خصوصي في حاجز في التحضيري بالنسبه لي
انا كنت خوافه من الوقت ومن انو يضيع وقتي او يوصل الفايصل وانا ما
اكون مذاكره فالمدرسون الخصوصيين يساعدوا في حل دي المشكله

جرعة إيجابية من القلب لكم 🌿💕

اول شيء فالكم جميعا تخصصات تتمنوها

قال الرسول صلى الله عليه وسلم

((إذا مات الإنسان انقطع عنه عمله إلا من ثلاثة: إلا من صدقةٍ جاريةٍ،

أو علمٍ يُنتفع به، أو ولدٍ صالحٍ يدعو له)) جددو نياتكم كل صباح

لا تتذمروا ابدا ربي كتب لك دي السنه بتفاصيلها الايجابيه والسلبيه ارضو بما

كتب الله لكم ما تدرؤ الخير فين يكونلكم لا تتذمرومن الاختبارات

والدراسة ومن تعبها فكرو من منظور واحد فقط ان كلها ايام وتعدي 🥰

رتبو وقتكم اعملو جدول لكم اكتبو ملاحظاتكم كافؤ نفسكم

اعملو أي طريقة ترضو عن نفسكم فيها

1 تحسو المعلومه تحفظوها وتطير

قولو اللهم لا سهل الا ما جعلته سهلا انك اذا شئت تجعل الحزن سهلا 🧡

رددوا اللهم استودعتك ما قرأت وما حفظت فرده وقت حاجتي اليه 🧡

2 قبل ما تبدو تذاكرو

قولو اللهم علمني ما ينفعني وانفعني بما علمتني وزدني اللهم علما

3 المعلومة ما تنحفظ من اول مرا لازم تتكرر اكثر من مرا

كل مين واسلوبه في المذاكره ، بعض من أساليب المذاكره الفعاله:

ورقة وقلم 💜

اسئلة واجوبه 💜

شروحات اليوتيوب تساعدكم مرا 💜

رابط الحقيه مهمه فيها كل شيء تحتاجوه

https://drive.google.com/drive/folders/1CwtpU_I770HuniWYUvbIDGJ1vQ9KrWkv

إن أحسنت فمن الله، وإن أسأت أو أخطأت فمن نفسي والشيطان
هذي تجربتي البسيطة واعتذر على التأخير ❤️

أي حاجه تحتاجوها رقمي موجود عندكم
اسألوني أي شيء تحتاجوه في أي وقت
ودا حسابي في التويتر اذا عندكم استفسارات او أي حاجه
تحتاجوها تتوصلوا معاي وحفيدكم باللي اقدر عليه



Twitter:
Atheer14450196

